

苗疆屯防實錄

第三冊

苗疆屯防實錄

卷之四

苗疆屯防奏錄卷十二

移駐永綏廳營汛

先奏永綏廳協現在移駐

湖南巡撫高 奏再前以撫 臣 祖 馬先後奏蒙

恩准移駐苗疆永綏協廳一事此時秋收已畢天氣晴和

先經札飭辰沅道暨總理鳳凰廳同知傅鼎並移行鎮

協密看情形若可移動即宜急早趕辦族援道廳等稟

覆同知傅鼎已前赴永綏會鎮協督同文武員弁調派

兵勇苗弁扼要防範慎重辦理現將該廳所有兵民及

軍裝火藥等項次第移出逐程搬運妥為護送苗弁等

無不踴躍出力遠近苗情俱甚寧貼等語除俟全數移

出另將辦理情形詳悉具

奏外合將現在具報緣由先行附摺奏

聞仰懇

聖懷恭呈

御覽伏乞

皇上睿鑒謹

奏嘉慶七年十一月初四日奉

上諭前因初彭齡奏稱移駐湖南永綏協一事楚苗不願

官兵移撤欲行攔阻等情是以特降 諭旨令黔楚兩

省督撫詳悉會議具 奏想高 等尚未接奉此旨蘇

援高

奏現將該廳所有兵民及軍裝火藥等項次第

移出逐糧轉運苗弁等無不踴躍出力遠近苗情均屬
樂從此時該廳既已內移若再有更張轉屬不成事體
該撫惟當查照奏定章程妥為經理以期苗民永遠相
安至移撤官兵經由黔境於黔苗有無不便之處仍着
令同黔撫詳悉具
奏將此諭令知之欽此遵

首寄信前來



奏覆永綏廳協必得移駐

湖南巡撫高 為欽奉

諭旨先行恭摺覆 奏仰祈

聖鑒事嘉慶七年十月十二日永綏軍機大臣字寄九月
三十日欽奉

上諭初彭齡奏湖南移駐永綏官兵現在情形一摺前因
湖南永綏一廳孤懸苗境不足以資控制經彭楚督撫
會議將該廳協移駐花園茶洞業經議覆准行茲據初
彭齡奏稱該處自建城設汛以來民苗錯處已久一旦
官兵內移一切食鹽衣布商販不至購買為難苗人既
不願官兵移撤欲行控阻並恐該處久居之百姓亦未

盡願舍其田廬而去等語永經一廳准其內移原係因
時度地籌議變通期於民苗兩便今楚苗既欲行按阻
而百姓又不樂從其中必有未盡周妥之處自須會商
熟籌以為久遠之計初彭齡甫經到黔於苗地情形自
未深知即百齡亦到未久其辦理苗疆事務自不如
傅鼎之熟悉但移駐一事或竟係伊一人偏見亦未可
定高甫任湖南巡撫從前並未入議無所用其迴護着
會同黔楚兩省督撫體察情形再行悉心籌議不可因
奏准在前稍涉迴護亦不必因有此苗意存遷就然期
於官兵安便而黔楚苗族亦均願從方屬可行並着繪
圖貼說詳悉具奏其均田一事是否與情所願亦着

並妥議總之撫經外夷之道動不如靜若無必不可已
之情節總宜率由舊章恪守之人總無大謬好更張者
終自云就也將此傳諭高 初彭齡並俞吳 琅知之
欽此跪讀之下仰見

皇上屢念邊圉體卹民苗籌策方今之至蜀勝欽感 自
蒙

恩簡抵任湖南卽恩苗疆移駐一事最關緊要查永綏廳
城毗連黔境自創設以來已歷七十餘年且勘定未久
復議改移雖經楚黔督撫奏奉

准行在先而於如何不便沿舊應行改置之處必須詳加
考究表緘有實碍誠如

聖諭動不如靜若無必不可已之情節總宜率由舊章洵
為撫綏外夷之至道無論此事出自前督撫臣所議即
使臣曾經與議亦斷不敢始終偏執 抵後凡遇
弁等來自苗疆者無不詳為詢訪適辰沅道鄭人慶來
省亦即細加詰詢余稱永綏廳居楚省苗境之西北南
通鳳凰來遠乾州形勢特角向俱安營堡汛有路可通
該廳四面原有大小四十八營汛以資捍衛嗣于平苗
善後案內奏明苗地歸苗全撤各路營汛僅存廳城
迤地由隆圖以至花園今改為綏靖鎮之一線道路雖
中間數有營汛然迤迤七十餘里俱在苗寨之中山後
險仄搬運兵糧軍火以及行旅往來諸多艱阻該屬既

不能設堡也勇而防兵又不能久而不撤倘苗巢中小
有不靖即可立時梗塞且該廳城外寸土皆苗並無民
田居民既不能租種苗地而一應樵採所需皆須購自
苗寨數倍增昂受其挾制難于度日寔有抗衆難安之
勢惟原奏將永綏協移駐于茶洞地方在花園西南六
十里與四川洪安汛兩貴州三义塘汛均屬密接且係
漢人氏村著築堡移駐此屬於兵民均為妥便而於守
禦亦屬得宜等語核與前此督撫臣原奏均屬相符現
在提臣王巡閱來省於該處情形俱所熟悉復與細
為議論所言亦復相同伏思取苗之道撫之固貴有方
而制之尤須得要從前之設立永綏原以疏通道路彈

壓苗集迨後苗地歸苗全撤營汛而便了然一城孤懸
於四面皆苗之地居者既耕無寸土行者復又有戒心
不惟無以制苗且反為苗所制今將永綏廳協分駐於
茶洞花園兩處與保靖古文等乾州鎮羣各縣協環峙
包圍更於扼要之處加設汛卡週迴密佈以絕其出沒
窺伺之路仍復沿邊安設集場定期貿易使其靜不失
而動而有制揆之理勢自較妥協是移駐一事於楚省
實有必不可也之勢第念永綏界接黔邊互為聲援惟
恐一經移動差於黔境有碍又不可顧此失彼亦曾詳
為札詢據傳縣稟稱於本年五月初間前赴黔邊與貴
東通周緯及松桃廳協等面晤將楚省定免移撤之處

詳細告知還稱正大營一帶經雲貴督臣張琅奏請修建

石壩自鎮軍接壤之縣哨營至永綏交界之芭茅坪此修
砌一百座現在勘定興修已募新兵八百名分撥防守此
次九月初自鎮軍起身赴永又取道黔崙松桃廳會晤該
協劉廷奇同知鄭銳時將現在赴永綏移撤之處逐一告
知據稱廳應修邊牆砌卡二樞已有七分與楚疆相接之
各處汛卡現俱留心防範等語是黔境亦已預為設備且
永綏既孤立苗巢難於自固即使不散萬一邊隅有警在
楚省統多一屏制之虞而黔境仍不能特為屏障此次永
綏廳定見移撤之情形也 前於九月中曾接貴州撫臣
初 來札以移出永綏兵民軍火等聞欲取道黔境
之芭茅坪盤石營等處行走且聞苗衆不欲兵民內

移恐生事端屬令妥商辦理等因惟時雖未據該道廳
等稟報會行移撤然就節次所稟籌辦情形並未
有取道黔境之說且查閱地圖亦覺由黔取路程途
較遠自不出此迂迴之計當經一面將據報情形札
覆茲據該道廳等稟報已將永綏廳協全行移駐據
稱民苗尚俱安帖惟黔楚既聞有苗人布散之言亦
必須切實查明以防滋生事端既經飛札該道廳等
令將詳細情形查明稟覆旋又接初 奉咨據貴東
道周緯等稟報稱聞自永綏移撤後所有城內外汛
堡兵民房屋盡被痞苗拆毀並爭佔地土互相仇殺時
聞槍炮之聲苗弁等不能約束及欲移居黔地且於

黔焚接報之悍子均地方時有焚苗執持標槍往來
窺伺該道等傳至堡內面加詢問雖據稱自行防禦
冤家并不敢滋事當以語言撫導諭以嗣後不許携
帶器械到此亦俱應懲而去但時屆隆冬苗人巨測防
維均須嚴密等因移咨前來 細思苗人頑悍成即
其平日因錙銖之利睚眦之怨自相持械仇殺久成習
俗今見該處城汛既撤歸苗營營所存房屋基址已
屬空虛無業痞苗即思折毀爭佔互逞兇頑其蠻觸
相爭亦祇在巢窟之中惟既據黔苗咨會有毒苗自
相爭鬥之事 後已星飛移行鎮道廳等密查苗寨中
如何爭佔仇殺並有無窺伺邊境情形無論在楚省黔

省總領協力熟籌並駕馭苗弁一律耕歸安妥一俟焚黔
兩境將沿邊堡卡趕緊修結完密周圍探制俾匪苗等
無從覬覦自不致更生他慮當此移駁重舉縱或屬員
等只因安妥本境不及兼顧鄰圻而仰蒙

高厚職任封疆必當不分畛域通盤籌畫計出萬全即便
焚境果臻寧謐而黔境稍有未妥即非又安邊境之道
斷不敢顧本省而置全局於不問至均田一節抵任後
節據該道府等稟報已辦有六七成與均屬踴躍緣該
處民人除知屯丁之設專以保衛田廬地方官吏斷不
能從中牟利且附近苗疆田畝前俱為苗所佔勘定後
悉經傳羅勘定清釐始得各歸民業今雖均出贍丁仍

以保其家室無不樂從到任以來曾有麻陽乾州兩處
生監呈狀二紙細核情節該生等惟以離苗較遠為詞
查乾州麻陽二廳縣貼近苗疆統一境之中不能無分
遠近守邊屯丁共有六七城寨均屬踴躍緣該民人深
知屯丁之設專以保衛田廬地方官吏斷不能從中牟
利且附近苗疆屯丁六千六百名需田三萬餘畝在離
苗較近之民衛身念切固已無不樂從然只就近者均
出田畝豈足以敷今按萬一首眾稍有滋擾在近者固
受其累即稍遠者亦豈能晏然無驚是以稍遠之處一
經剗切勸導亦俱情願現據稟報已均有六七成今該
生等不過因循于一隅之見偶有按阻當經詳為開